

Ijjo Koṅaan Ro Im Rej Transgender ilo Kabuñ in

PEDPED IN KATAK KO ÑAN RITÖL RO ILO JOKO JIKIER MAKE

Peba in ej rejetake kakien in *Bok in Bök Meḷeḷe Eo Eḷap*, 38.6.23, “Ro im Rej Transgender.” Jerbal eo an ej ñan jipañ ritöl ro ijoko jikier make leḷok röjañ ñan kajjojo armej ro im baamle ko aer kön jet wāween ko im remaroñ bök koṅaer ilo Kabuñ in.

Unin Töl ko ñan Aolep

Ilo jabdewöt jekjek ko, ritöl ro ilo ijoko jikier make:

- Rej Pukot Töl eo an Jetöb.
- Kwaḷok iakwe im kautiej ilo kōmṃan ko amṃ ñan kajjojo armej rein im baamle ko aer ilo amṃ katakin mool eo an gospel eo.
- Ḷōmṃak kön aikuḷ ko an armej eo im ro jet uwaan ward eo.
- Kalikkar bwe katak ko an Kabuñ in kön kadkadin juon körā ak emṃaan rejjab jejtokjeer ak jameḷeḷe.
- Pukot kapilök. Bisop ro rej bök kapilök ippān stake būreejtōn eo. Stake im mijen būreejtōn ro rej pukot kapilök jān Eria Būreejtōnḷi eo.
- Kakobaiktok pāaren ro ak ro rej eddoik ajri ro.

Āt Ko Kāleti im Kadkad ko Aer

Rekoot ko an Kabuñ in rej kalikkar kadkadin juon armej ilo an kar ḷotak tok.

Wāween kōjerbal āt ko rekōṅaan im kadkadier ej ikōtaan armej ro im baamle ko aer, ro mōttaer, im ro uwaan Kabuñ in. Ritöl ro ijo rej jokwe ie rejjab aikuḷ kwaḷok ak kalikkar wāween an kajjojo membör ro āñinñin juon armej.

Eḷañne juon membör ej kalikkar āt eo etan, emaroñ waḷok ilo ijjo jikin “Kalikkar Etamṃ” ilo rekoot ko an membör.

Kweilok im Ḥakūtkūt Ko Rejenolok ñan Kadkadin Kajjojo Armej .

Armej ro kajjojo rej kobaḷok ilo kweilok im Ḥakūtkūt ko im rekkar ñan kadkadier ilo aer kar ḷotak tok kake.

Jabdewöt jekjek ko jet, ko im rejeja, raikuj in ḷoore “Unin Töl ko ñan Aolep” eo ej laajrak itulōñ im emōḷ an bök kōmālim jān Eria Būreejtōnḷi eo.

Ḥakūtkūt ko kōmṃan lumwin juon Boñ

Ñan Ḥakūtkūt ko an leddik ak laddik im rejelet kiki iumwin juon boñ ak elōñḷok, ro kajjojo rej aikuḷ wöt kobaḷok ilo camp ko ekkar ñan kadkad ko aer im rekar lotak tok kaki. Waanjoñok in Ḥakūtkūt kein rekoba camp ko an Jiroñ ro im camp ko an doulul eo an Aaronic Priesthood ro.

Ñan Ḥakūtkūt ko rejelet kiki iumwin juon ak elōñḷok boñ im rejjab kejenolok leddik jān laddik, ro im rej kōttōpar ñan ukot mōraer ilo aer bök surgery ko, iaḷ in taktō, ak kejenolok er ilubwiljin ro jet jān lukkuun nāmemeier me rekar lotak tok kake rej aikuḷ emṃakūt jān iien makūtkūt eo ilo boñ. Rūmṃan ded ro rej roḷok ñan kōjparok eo an pāaren ro aer ak ro rej lale er, ro im rej eddoik kōjeikiik karök ko ñan jikin jokwe ko aer. Waanjoñok in Ḥakūtkūt ko im rejjab kōjenolok leddik jān laddik ekūtbuuj kweilok ko an rūmṃan ded ro ejjeḷok pāleer, kweilok ko an Ñan Kōajoorḷok Jodikdik Ro, im kwelok ko an jodikdik ro.

Kūr ko im Ijjetōñ ko

Armej ro emōḷ aer ukōḷok nememe eo aer ilo aer ḷōmṃak in mṃwimṃwij (surgery), taktō, ak ukōḷok nememe eo aer jān nememe eo aer ke rekar lotak tok kake rejjab maroñ in bök kūr ko ak ijjetōñ ko ñan (1) kōmṃane jermal ko an leddik ak ḷaddik , (2) jermal ānwöt rikaki ro, ak (3) jermal ippān ajiri ak jodikdik ro. Remaroñ bök jermal ko jet ak ijjetōñ ko im rej boktok wōnṃaanḷok ko im jipañ ro jet.

Jikin kōpojak ko ilo Imōñ Jar ko

Jikin kōpojak ko rej aikuḷ jet ko im retiljök im jokane jen jorāan. Kōjparok aikuḷ pād iien otemjeḷok ñan kautiej jokane im tiljek an aolep kajjojo armej ro.

Ro im rej kōttōpar ñan bök mṃwimṃwij (surgery), taktō, ak ukōḷok nememeier jān kar an ḷotak tok ej aikuḷ kōjerbal imōñ kōpojak ko rejenolok make iaer ñe ewōr.

Ñe ejjeḷok mōñ kōpojak rot in emake iaan, ritöl eo ijjo ej aikuḷ kōnono ippān armej eo (im pāaren ro ak ro rej lale) ñan pukot juon wāween. Kālet kein ekoba:

- Kōjerbal imōñ kōpojak eo im ej kalikkar kadkadin juon armej ilo an kar ḷotak tok.
- Kōjereale imōñ kōpojak eo armej eo ej enjake ippān make bwe ekkar ñan kadkadin, ippān juon eo ej löke im enaaj lale bwe ro jet ren jab kōjerbal imōñ kōpojak eo ilo ejja iien eo wöt.